

胎產秘書

越中錢氏原本

胎產秘書

上海錦章圖書局印行

胎產秘書序

易曰天地絪縕萬物化醇男女構精萬物化生是胎產本人道之常善自保衛雖勿藥可也至不得已而用藥其寒暑燥濕致病之由雖與常人同而補瀉溫涼治病之法則與常人異自非專門名家烏能辨析精微而所施輒當考自唐宋迄今以是著名者首推各殷張傑郭稽中陳自明諸人其撰述俱卓卓可垂不朽復有姓字失傳而其書則為世所寶者如千金良方濟陰寶鑑諸集著論裁方準繩其備洵足稱產科正宗第合覽諸篇則備錄其美分觀一集祇各盡所長惟前明越中有錢氏者曾遇異人得授秘書遠近賴以保全者其衆厥后子孫世守其業視書若家寶然外人欲一假觀弗可得也迨我朝康熙間其族裔始竊示所親遂有錄之以付剞劂者其書分胎前臨產產後三門察肥瘦強弱之體定安胎保產之方條分縷析開卷瞭然信能綜諸家之所長而折衷於至當者也使是編盛行於世則素知方脉者固可參觀而得其變通即未習岐黃者亦可按方以拯其緩急語云一味之甘期與人共余既幸窺秘與詎忍私作家藏爰付衆黎以貽遠邇并素所得經驗數方亦附於后倘得是書者輒轉流通俾傳弗絕則於天地大生之德國家化育之經當亦不無小補云爾時道光辛卯仲冬善化翁元鈞石洲氏序於合浦官署歲丁亥予承乏麓江公餘之暇檢拾書笥得友人持贈長沙翁蘭畦廉訪重刊越中錢氏胎產秘書分爲胎前產後臨產三門翻閱之餘覺其條分縷析綜括精微誠為產科寶鑑遂印刷五十部分送邑之海濱俾產症者得有準繩可以按方拯救是夏內子陡患半產適因公在鄉寄語多服生化湯越日返署血崩不止形脫氣促幾瀕于危急檢方用加參生化湯連進數劑而崩乃止惟體氣素虧寒熱交作口渴汗多次日仍用生化湯原方倍加參芪當歸日服一劑並以參麥散代茶不數日而愈內子歷胎既多胎產一道予聞之熟矣是書也屢試屢驗因思海濱僻壤一時何得良醫即有一二知藥而陡龍倉猝恐亂投劑胎誤不淺是書開卷了然惟體之強弱症之寒熱當從細斟酌照各方加減服之是所至要用再捐資印送以廣流傳

皖太小齋氏謹綴數語附于篇末

漢書藝文志有婦人嬰兒方十九卷今已亡史記扁鵲傳云扁鵲名聞天下過邯鄲為帶下醫入咸陽為小兒醫然所受長桑君禁方亦不傳于世嗣後醫家方愈多有驗有不驗求其皆無災無害以長以遂何可得耶翁蘭畦大令以其令祖所刊越中錢氏胎產秘書須付梓以廣其傳體好生德推保赤之心胞與為懷斯民之父母也蘭畦勉乎哉同治己丑秋九月下幹撫閩使者徐宗幹序

右胎產祕書三卷予

先大父石洲公所增輯也先大父素善岐黃於婦科尤精歷任甘省靈台通渭等邑民間有患病者皆問症開方施藥以濟邑中德之嗣先伯雲濤公筮仕粵東迎養合浦署先大父猶施行不倦並刊送此書多歷年所凡胎前產後遵法調治大有效驗本宦遊閩省距梓鄉數千里之遙此板不能攜帶幸行篋中有全書一部因重刻以遺遠近俾先人救世婆心至今不朽工既竣爰恭綴數語以附簡末
同治四年歲次乙丑孟冬

上卷目錄

善化翁元鈞石洲氏增刊

男忠濬

孫孝榮

全校

胎前總論

惡阻

胎動不安

胎漏下血

漏胎

跌撲動胎

子淋

子腫

子滿

子煩

子嗽

子瘡

子瘡

外感風寒

霍亂吐瀉

熱症

因怒滿悶

小腸重墜作痛

胎漏腹痛欲瀉

胎驚心悸氣促脹痛不安

兩目不明以及顙項腫滿

遍身刺痛喘滿筋攣

心煩腹脹官節酸痛小便澀閉

半產

轉胎

瘦胎方不可服辨附保產無憂湯

因頭血類中風症

胎前禁藥歌

附增異症

附增胎形

中卷目錄

臨產總論

臨產脉法

楊子建十二難產論

交骨不開

死胎不下

胎衣不下

將產昏倒
胎衣不下調護法

王叔和難產生死歌

集催生諸方

新產禁補

下卷目錄

產後總論

胞衣不下

產後血崩

產後類中風瘧症

產後咳嗽

產後傷食

產後嘔逆

產後便數淋症

產後熱蒸成勞瘧症

產後乳疽乳癰

乳汁不通

下物如茄

陰挺下脫

附保嬰要訣目錄

夢生

臍風

護兒法

附經驗各方目錄

治喉藥方

瘡疾方

生化湯論

產後血暈

產後有類於傷寒三陰症

產後類瘧

產後譫語

產後泄瀉

產後霍亂

產後傷將小便淋數不止

產後心腹痛

產後流注

消乳

下物如帕

產後總三方

惡露

產後厥逆

產後汗出

產後怔忡驚忡

產後痢症

產後膨脹

產後遍身疼痛及腰小腹痛

陰門腫痛

產後諸異症

下肉線

產後用藥十誤

暈厥總論

產後類傷寒三陽症

產後氣短發喘

產後忿怒

申論瀉痢十方

產後口渴兼小便不利

產後水腫

陰門突出

下物如鉢

乳懸

米牙

夜啼

斷臍法

哺乳法

瘡疾三方

痢疾三方

靈通萬應丹

胎產秘書

胎前總論

凡孕婦脾胃健旺氣血充足則胎安產順曷嘗用藥調理惟稟不足而氣血衰脾胃弱而勞役過致諸症百出不得不資藥力矣昔丹溪先生定補母安胎之方以補氣血為主以順氣清涼為佐參朮黃芩為安胎之聖藥芎歸熟地為補血之良劑加以蘇陳味等定為常服主方至胎成六月茯苓性降不宜多用黃芪肥胎不可當加香附雖快氣疏肝過則耗氣無補砂仁能止嘔定痛多亦動血行胎此誠先賢之法戒後學之準繩也而猶以為未備因分晰胎前諸症擬成數十餘方以便臨期酌用

胎前症治

惡阻

凡妊婦一二月惡阻嘔逆煩悶嗜臥即俗所謂病兒也此謂婦人本元虛弱平時喜怒不節寒暑不調中脘宿有停痰積飲受孕經閉飲食相搏氣不宣通以致心下憤悶頭眩眼花四肢倦怠聞食即吐喜酸嗜鮮多臥少起甚至嘔逆不食法當順氣理血豁痰導水而諸症自除以加味參橘飲治之

加味參橘飲 人參一錢白朮二錢砂仁三分厚樸一錢橘紅四分當歸一錢香附五分甘草三分姜三片竹茹一丸若無力服參去之亦可 一方加夏麴八分

胎動不安

凡妊娠二三月胎動不安者蓋因子宮久虛氣血兩弱不能攝元養胎致令不安若墮急服安胎飲以保之若先經墮過者可先服大造丸繼服杜仲丸庶無半產之患

張氏云半產多在三五七個月如前次在幾個月墮者後必如期復然故當追算前在幾個月墮者須於未墮半月前服清熱養血固胎元之藥數帖以補其虛五月七月墮者亦俱於未墮半月前預先服藥方保平安此據孕後炎熱者而言蓋三五七條陽月緣火能銷鑠故也

安胎飲

人參一錢虛者倍用 當歸二錢熟地三錢條芩一錢川芎七分白朮二錢陳皮四分紫蘇四分甘草四分元稟二枚 如虛胞人陳皮去白加川連五分 脾胃滯瀉加蓮子十粒 砂仁五分川連炒五分 去熟地

黃芩 怒而多瀉加木香三分 渴加麥冬二錢 怔忡驚悸加棗仁二錢 益智仁一錢 龍眼肉十個

大造丸 紫河車一具 泔水洗淨炙酥 杞子一兩 人參一兩五錢 當歸兩二 麥冬一兩三錢 天冬一兩 益智一

兩 茯苓二兩 五味五錢 熟地姜炒二兩 川膝五錢 山藥八錢 兔絲子 鹽水炒四兩 川柏 鹽水炒 共為末 煉蜜丸 如

桐子大 白湯送下 五十九 杜仲丸 杜仲姜汁炒 川斷 酒浸 各等分為末 煉蜜為丸 如桐子大 空心米飲湯下 五六十丸

胎動腹痛

凡妊娠胎動腹痛者其症不一或因飲食冷熱動風毒物或因交感搖動骨節傷犯胞胎其症多嘔而氣不調或

服藥太過血氣相感而急痛宜服順氣補血之藥如加味安胎飲或如聖散

加味安胎飲 砂仁炒 麥冬各一錢 人參 當歸 熟地各二錢 條芩一錢 陳皮 紫蘇各四分 甘草三分 白朮一

錢五分 生用 大棗二枚 姜三片 水煎服此即安胎飲去川芎加砂仁麥冬凡妊娠元氣不足精神倦怠以致

胎動不安或身微熱者並宜服之必一日兩服方可平安 如聖散 鯉魚皮 阿膠 當歸 川斷各二錢 熟地三錢 白芍一錢 川芎一錢 甘草六分 加芋根少許 生姜五片

水煎空心服

胎漏下血

凡妊娠胎漏經血妄行此是胎息未寔或因勞役過度傷動胞胎或因房室驚觸致令子宮虛滑經血淋漓若不

急治日漸胎乾子母不保急服寄生散或參歸飲或阿膠濟陰湯

寄生散 寄生 川斷 阿膠 香附 黑 人參 白朮 川芎各等分加姜五片水煎服

參歸飲 人參 當歸 寄生 淮生 淮熟 條芩 香附 茯苓 阿膠各一錢 川芎五分 生甘五分 白芍二

分 黃芪一錢半 黃楊葉三片 生姜一片 水煎甚者日進一劑 阿膠濟陰湯 阿膠 白朮各一錢 地黃 白芍 當歸 川芎各一錢 砂仁帶壳五分 條芩 斷 各錢半

香附八分 炙甘五分 粘米一撮 水二湯碗煎至一碗溫服如下血塊加地榆腰痛加杜仲觸患胞胎加金銀花一

日一夜三服以防敗血攻心

漏胎

凡受孕之後經血不時點滴謂之漏胎。大率以勞傷氣血虛弱之故。或因惱怒。或受煖熱物所致。宜補中安胎飲。條芩 白朮 人參 各三錢 熟地 三錢 當歸 錢半 白芍 一錢 生甘 五分 蘇梗 八分

跌撲動胎

凡妊娠跌撲動胎下血不止。急服安胎參蘇飲。

參蘇飲 人參 蘄艾 川芎 各三分 當歸 一錢 條芩 白朮 生用 各二錢 陳皮 紫蘇 生甘 各四分 阿膠 一錢

有外感者加葱白四寸。腹痛減蘄艾加砂仁四分。

小便帶血

第 4

凡妊娠小便中帶血。此原形體勞苦。或過食煖炙之物所致。宜清膀胱之火。服加味逍遙散。

子淋

凡妊娠小便淋漓。此由調攝失宜。酒色過度。傷損營衛。致令子宮氣虛。而然。又或下焦有熱。而閉塞。名曰子淋。宜

安榮散

安榮散 當歸 五錢 滑石 一兩 通草 一兩 人參 三錢 麥冬 一兩 細辛 一錢 炙草 燈心 各五錢 共為末。每服四錢。白湯下。一方除燈心。用燈心湯下。

又方用桑螵蛸為末。每服二錢。空心米飲下。

又方用陳米淘濃泔頓服之。此方并可治男子癰閉。

按此症由飲食無忌。熱積膀胱者居多。湯氏用古芎歸湯加木通麥冬人參燈心甘草滑石治之。

子腫

凡妊娠面目虛浮。四肢有水氣。此名子腫。蓋由脾胃虛弱所致。宜服全生白朮散。或鯉魚湯。

全生白朮散 人參 一錢 白朮 二錢 茯苓皮 八分 甘草 三分 當歸 二錢 川芎 六分 紫蘇 陳皮 各四分 生姜 三片。水煎。

鯉魚湯 鯉魚不拘大小二三尾洗去鱗用水煮熟去魚每服用湯一大鍾煎后為服之 當歸 白朮各五錢
茯苓四錢陳皮二錢每服四錢加姜七片投魚湯內煎服以愈為度

湯氏云子腫於五六月時多有之其或廣大高過心胸氣逆不安此由胎中蓄水所致若不早治必然生子
殘疾子母難保宜鯉魚湯仍常煮鯉魚湯粥食之

子滿

凡妊娠腿膝浮腫脚面足指甚至出水氣促滿悶此由脾虛不能制水血化成水所致名曰子滿又名子氣宜加
味天仙藤散如脾氣弱甚宜補中益氣散兼服

加味天仙藤散 天仙藤洗畧炒六分木瓜一錢香附六分紫蘇 陳皮各四分烏藥七分甘草三分水煎虛甚加

人參一錢 當歸 白朮各二錢

補中益氣湯 人參 炙芪各錢半炙甘五分白朮 歸身各一錢陳皮七分柴胡升麻各三分水煎服按妊娠七

八個月兩足浮腫乃胞漿水濕下流之故其微腫者名曰皺脚得之易產其腫甚或出黃水者始服後方

子懸

凡妊娠胎氣不和上湊心腹滿痛難忍謂之子懸以紫蘇散治之

紫蘇散 紫蘇 陳皮 白朮 腹皮 當歸 川芎各等分 人參 甘草各減半 姜五片葱白五寸 水煎空心

服一方以蓮房燒灰酒送下愈

安胎順氣飲 即前方去腹皮加砂仁三粒 木香三分磨汁加姜煮按受孕至四五月斯時相火養胎火盛胎

熱則氣逆湊心多有此症

子煩

凡妊娠心驚胆怯煩悶不安名曰子煩服竹葉安胎飲

竹葉安胎飲 人參三分白朮 條芩 當歸各二錢棗仁 遠志各八分陳皮三分川芎七分生甘四分生地錢

半麥冬一錢竹葉十片姜棗引有痰加竹瀝姜汁虛甚加人參倍用瀉加芩實減生地按此症亦多在四五月

之時相火用事或因真令君火大行俱能乘肺以致煩燥湯建中云因相火者加知母因君火者加川連

子嗽

凡姪娠子嗽。因外感風寒者。參蘇飲去人參半夏。加桑皮杏仁。因火乘肺金者。二陳湯去半夏。加芩蓮只壳貝母。痰而喘者。加晏仁前胡桑皮。咳嗽吐血不止者。用生地飲如風壅相攻胸滿久嗽者。用百合散。

加減參蘇飲。蘇葉 杏仁 橘紅 各一錢 只壳 炒七分 前胡 八分 木香 三分 桔梗 乾葛 各七分 桑皮 七分 甘草 四分 水煎喘加晏仁二錢

加減二陳湯。桔苓二錢 川連 橘紅 川貝 茯苓 桑皮 各一錢 前胡 七分 只壳 八分 甘草 五分 瓜婁一錢

生地飲。生地三錢 犀角 三分 白芍 知母 天冬 麥冬 各二錢 黃芩 八分 桔梗 八分 當歸 二錢 紫苑 錢五分

甘草四分 喘加瓜婁一錢

百合散。百合二錢 桑皮 七分 前胡 八分 桔梗 七分 芍藥 一錢 赤苓 八分 貝母 一錢 橘紅 一錢 甘草 五分 生薑 引水煎一方有紫苑散冬

子瘡

凡姪娠病瘡。多由營衛虛弱。脾胃不足。或感風寒。或傷生冷。傳為瘡疾。名曰子瘡。宜服驅邪散。熱多寒少者。清脾飲去半夏。寒多熱少者。人參養胃湯去半夏。久而虛者。四獸飲主之。

驅邪散。霍香 白朮 茯苓 甘草 草果 少許 知母 橘紅 砂仁 姜棗引如有表邪者加蘇葉八分 葱白五寸一方加柴胡八分

清脾飲。白朮 茯苓 知母 各一錢 青皮 四分 厚樸 八分 黃芩 二錢 甘草 五分 生薑 為引水煎服原方有柴胡

人參養胃湯。人參 蒼朮 霍香 厚樸 各一錢 陳皮 錢半 草果 六分 茯苓 錢二分 炙甘 五分 姜 引一方加烏梅

一個

四獸飲。人參二錢 白朮 土炒二錢 茯苓 錢二分 炙甘 五分 陳皮 錢二分 草果 八分 元棗 三枚 姜 二片 烏梅 三個

子癰。即胎風一名兒暈。又名瘰。小兒有五癰。每臟各有蓄所。屬心癰。其聲如羊肝癰。其聲如犬。脾癰。其聲如

牛。肺癰。其聲如雞。腎癰。其聲如猪。

凡姪娠口禁。項強手足攣搐。言語寒澀。痰涎壅盛。不省人事。名曰子癰。切不可作中風治。宜服加味羚羊角散。如

胎前

元痰涎言語如常但見中風形狀此緣血少類風藥以風藥投之胎害不淺

加味羚羊角散 羚羊 當歸 防風 獨活 茯苓 棗仁 加皮各一錢 米仁五分 杏仁八分 甘草 木香 各三分 葱白五寸 姜五片 煎服 虛加人參 痰加竹瀝 姜汁 脾虛加炒白朮

子瘡 音因瘡癰史准陰侯傳雖有舜禹之智吟而不言不如瘡聾之指麾也

凡妊娠三五月忽失音不語者胞絡脉絕也名曰子瘡蓋胞繫于腎腎脉貫舌故失音此非約可治分娩即自出聲

湯建中先生云前症俱由妊娠脾土不運而生濕濕生痰痰生熱熱生風如子腫溫也惡阻痰也子煩子淋熱也子癰風也子懸氣也轉脖子也治法雖有清熱消痰滲濕順氣疎風補虛之不同要不外去邪保胎四字為總訣也

外感風寒

凡妊娠外感風寒渾身壯熱眼花頭旋此因風寒格于肌表侵入脾胃傷損榮衛是以增寒發熱頭疼眼痛甚至心腹煩悶不可妄投峻劑只宜芍藥散表其寒邪

按婦人天癸未行屬少陰天癸已行屬厥陰天癸已絕屬太陰胎產之病治厥陰者朔化之原者也故机要曰胎產病當從厥陰經論母犯胃氣及上二焦謂之三禁不可汗不可下不可利小便是也汗則痞滿下則傷脾利小便則內亡津液中州枯燥故受孕三五月時一毫辛散滑利不得惟七八個月后倘有閉結乃敢稍施以滑利之劑故上云不可妄投峻劑

加味芍藥散 紫蘇 羌活 陳皮 麥冬 各一錢 川芎 白芍 各八分 乾姜生甘各五分 加生姜二片水煎服胎

前宜清涼干姜須忌用

霍亂吐瀉 凡妊娠霍亂吐瀉心躁腹痛宜服六和湯

六和湯 藿香 砂仁 各五分 陳皮 茯苓 各四分 人參 木瓜 各一錢 扁豆 二錢 杏仁 十粒 生甘 四分 夏曲 六分

姜三片 棗二枚 竹茹一丸

下痢

凡妊娠下痢。赤白緣生。冷傷脾。鬱積傷胃。以致濕熱相干。氣血凝滯。其濕熱傷于氣。分則下白。積傷于血。分則下紅。積腹鳴。後重下痢。煩急。服姜連丸治之。如腹中疼痛。心下急滿。宜當歸芍藥湯。

姜連丸 川連 白朮 砂仁 各一兩 只壳炒五錢 阿膠 炮姜 川芎 各一兩 乳香 三錢 另研共為末。加鹽楊梅

三枚醋少許。打糯米糊為丸。如桐子大。每服四十丸。白痢淡姜湯下。赤痢甘草湯下。赤白痢甘草生姜湯下。按赤痢可加銀花。白痢腹痛可加青皮。姜炒川連亦必不可少。不必分赤屬熱。白屬寒。拘泥於姜湯。甘草湯送下也。

當歸芍藥湯 當歸 白芍 只壳炒 山查 各一錢 厚樸 八分 陳皮 六分 木香 三分 甘草 四分 黃芩 二錢 水煎 忌生冷

熱症

凡妊娠病熱。嘔吐不食。胸中煩躁。宜安胎涼膈散。如熱甚發赤黑斑。小便如血。胎漸落將危者。亟以梔子石羔湯救之。遲則墮矣。如火熱壅極。心煩口渴者。宜清心潤肺湯。

安胎涼膈飲 治熱嘔 知母 麥冬 人參 蘆根 葛根 黑梔 竹茹 葱白 水煎服

梔子石羔湯 梔子 黃芩 生地 各二錢 石羔 四錢 青黛 一錢 升麻 四分 豆豉 一錢 葱白 三寸 水煎服。按本方治

發斑可加元參。連翹各二錢。

清心潤肺湯 黃芩 梔子 麥冬 各二錢 知母 花粉 人參 各一錢 甘草 五分 犀角 三分 姜棗引。按方內用人

參。恐火得補。而益熾治熱之方。去之為得。

因怒滿悶

凡妊娠因多怒。氣胸膈滿悶。或服順氣藥太過。以致滿悶。益增者。宜散氣消悶散。治之為藥。香附只壳砂仁等。故

須少用。

散氣消悶散 人參 一錢 白朮 二錢 川芎 木香 磨汁 蘇葉 條芩 甘草 各三分 姜 三片 水煎服

小腹重墮作痛

凡妊娠腹痛時作小腹重墮。此緣氣虛下陷。間有兼寒者。宜加味安胎飲治之。加味安胎飲 白朮 熟地 當歸 各二錢 陳皮 蘇梗 川芎 甘草 各四分 砂仁 五分 兼寒者加吳萸 五分 干

姜五分水煎服

小腹虛脹閉滯

凡妊娠小腹虛脹。因食硬物傷胎。胎既受病。傳于脾胃。胃氣虛冷。下逼小腸。若奔豚腰重。或大便閉澀。兩脇虛鳴。宜服勝金散。溫中下氣。胎自安矣。

勝金散 吳萸 陳皮 軍姜泡 即製軍干姜 川芎各二兩五錢 厚樸 砂仁 甘草各三錢 共為末 每服二錢 鹽湯送下

胎冷腹痛欲瀉

凡妊娠胎冷。腹脹兩脇。虛鳴臍下。疼痛欲瀉。小便頻數。大便虛滑。此因胎已成形。而多食瓜果生冷之物。或當風取涼。受不時之氣。令致胎冷。子身不安。皮毛刺痛。筋骨拘緊。而母有此病。急宜安胎和氣飲治之。

安胎和氣飲 訶子麴煨 白朮各二兩 橘紅 白芍 木香各五錢 良姜炒二錢 炙甘草三錢 姜二片 陳

米一撮 每服五錢 忌生冷

胎驚心悸氣促脹痛不安

凡妊娠心神忪悸。睡夢多驚。脇腹飽脹。過時連臍。急痛氣促不甯。此是胎氣既成。五臟安養已久。或因喧呼致令胎驚。筋骨傷痛。四肢不安。急以大聖散治之。

大聖散 當歸 川芎 參冬 茯苓各二錢 炙芪 人參 木香 甘草各五分 姜三片水煎

頭眩目暈痰壅將危

凡妊娠頭眩。目昏。頭項腫硬。此因胎氣有傷。熱毒上攻。太陽沉痛。欲嘔背項拘急。致令眼量生花。若加痰壅。危在片時。急以消風散治之。

消風散 雨茶 甘菊 羌活 石羔 當歸 川芎 羚羊 白芷 荊芥 防風 甘草 加姜煎食後服

兩目不明頭項腫滿

凡妊娠將臨月。忽然兩目不明。燈火不見。頭痛項腫。不能轉頸。此由常居大闇。衣襟臥褥。伏熱在內。或服補藥熱物太過。致令胎熱。而肝臟壅極。風熱上攻。入腦。故見此症。急以天冬飲子治之。大忌酒蒜。炙煑油膩。一切辛熱發

物。否則眼不復明矣。

天冬飲子 天冬 荊芥各錢五分 當歸 川芎 熟地 白芍 茯苓 知母各二錢 人參 六分 五味 十四粒 防風 芫蔚子各一錢 目病退 間日一劑 初服大約每日一劑耳。

遍身刺痛喘滿筋攣

凡妊娠遍身刺痛脹滿。此由五臟不利血氣虛羸。因食生冷。或發熱增寒。唇白面青。筋脉拘攣。骨節痠疼。皮毛乾澁。氣急上喘。大便不通。嘔吐頻。此危症也。急以平安散保之。

平安散 厚樸 陳皮 熟地 甘草 川芎 木香 姜三片 煨鹽一撮 水煎服。

因失血類中風症

凡妊娠因吐血衄血。或被傷失血。驚患口噤。項背強直。類中風症。宜服加減安胎飲。加減安胎飲 人參 白朮 麥冬 當歸 熟地 天麻各二錢 防風 荊芥各一錢 陳皮 甘草各五分 姜三片 水煎服。

心煩腹脹百節酸痛小便閉澀

凡妊娠面赤口乾舌苦。心煩腹脹。或百節酸疼。小便不通。此由恣意飲酒。及水果魚肉。一切腥羶熱毒之故。以歸涼節命飲治之。

歸涼節命飲 苧根 白芍 當歸 川芎 麥冬各一錢 白朮 生用錢半 砂仁 五分 甘草 六分 占米一撮 中酒者。

加葛根一錢 積食加山查 麥芽各一錢 小便閉加赤苓 腹皮各一錢 葱白引。

半產

凡妊娠月未足而半產者。由氣血虛弱。臟腑皆虛。加以病患相感。情慾相撓。以致精血攻衝。傷損榮衛。而胎無所養。與枯枝落果無異。如既墮以生化湯加減治之。未墮而血行腰痛。急以十聖散連進數帖。或芫蔚補中湯。十聖散 人參 黃芪各二錢 當歸 白芍 川芎 熟地 白朮各一錢 砂仁 五分 川斷 七分 甘草 五分 姜一片 棗一個 食遠服忌惱怒生冷一切辛熱等物。

芫蔚補血湯 川芎 白朮 阿膠 白芍 杜仲 人參 黃芪 五味 木香 甘草 加姜一片 棗二枚。

腹中兒啼

凡妊娠臨月。或九個月。腹中兒啼者。緣兒在母腹口含臍帶。隨母呼吸。或將手扳高取物。提出兒口臍帶。故鳴。但令其母如男子作揖。使臍帶仍入兒口。即不鳴矣。一方煎黃連濃汁呷之。

轉胎

凡妊娠將足月。時為胎壓。轉在一邊。以致臍下急痛。小便不通。但升舉其胎。則時仍還舊。而水道自通。宜六君子合四物湯。去茯苓。加半夏陳皮。探吐以提之。不宜專用滑滲之藥。產後亦有此症。搗葱白鋪於臍上。灸之立效。

六君子湯

半夏姜製二錢

陳皮去白

茯苓一錢

甘草五分

人參

白朮一錢

四物湯

當歸酒洗

生地三錢

芍藥二錢

芎藭錢半

瘦胎方不可服辨

凡妊娠臨產艱難者。大半由口饜甘。肥身耽安。遂既飽即卧。遂令胞胎肥厚。行動氣急。以致臨盆難產。宜于胎將足月之時。時時動作。勿嗜肥鮮。勿貪坐卧。勤行勤走。此即是不葯而滑胎之妙法也。乃世醫咸謂安胎之后。必須更進滑胎。方始為無弊。豈知滑胎名目。昔人原為湖陽公主而設。蓋以貴家居養豐逸。身體肥盛。誠恐軀脂凝結。胞系堅固。特藉此以稍疎其肥滯耳。若平等婦人。一母之氣。血分陰其胎尚虛。不敷苗復加無憂。易產名目一體。緊施是猶奪人而復追削奪。其能勝乎。然恐后人疑為未備。特詳錄二方。以為體肥稟厚者所採擇也。

昔湖陽公主

每產累日不下。南山道人進以滑胎只壳散。用麩炒只壳二兩。炙甘二兩。共為末。每服二錢。白湯送下。一日三服。殊效。蓋為壯寔者立法也。

無憂散

當歸

只寔各二錢

白芍錢二分

乳香

麥冬

神麴各一錢

陳皮八分

木香三分

枚血餘

甘草

當歸

川芎

生地

白朮

黃芩

甘草

腹皮

易產湯

當歸

川芎

生地

白朮

黃芩

甘草

腹皮

廣皮

按人參

白朮

大龍

肥胎

方中用此二味

以瘦胎滑胎

殊難憑信

急救難產

仙方

即保產無憂湯

全當歸

分酒浸

一錢

五川貝母

去心

羌活

分酒浸

一錢

羌活

五分

細甘草

五分

荆芥穗

八分

厚樸

七分

姜

汁

製

蘄艾

七分

醋炒

免絲餅

一錢

四

生

黃芪

八分只壳六分川芎一錢五分白芍一錢二分酒炒冬天一錢春夏秋用水二碗姜二片煎八分溫服此方務必稱足分量不可加減多少如三兩月胎動不安者服一劑即安五六七月預服三五劑則臨產平安易生如臨月服數劑順利無比或橫生逆產三五日不下按方服二劑立刻順生母子平安矣此方救過千萬人者仁人君子轉刻施送功德無量矣五個月后每月二三劑臨月加倍更妙

胎前脉法

婦人有孕陰搏陽別

脉以寸為陽尺為陰尺脈以搏指而動與寸脈迥然分別者此孕成之候也

少陰獨動其胎已結

少陰心脈也今心主血心脈往來流利而獨動乃血旺成胎之象故可知其有孕又曰動者如豆粒之逼指而動也

滑疾不散胎必三月

疾即數也不散者按之愈有而不散也

但疾不散五月可決

總之按而不散者為有力故斷之為胎亦間有損症似此者須細辨之

產為男右疾為女女腹如其男腹如釜

又曰三部脈浮沉正等無他病而不月者乃有孕也

三部之脈浮沉正相等是無病之脈也又何以不月既已不月者是有孕之驗也

又何以無他病故脈雖不顯而受孕可知

胎前禁藥歌

芫斑水蛭及蜜虫烏頭附子與天雄野葛水銀共巴豆牛膝薏苡并蜈蚣三稜莪朮芫花麝大戟甘遂黃雌雄代赭芒硝丹壯桂槐花牽牛皂角同半夏南星及通草瞿麥乾姜桃仁通硝砂乾漆蠅田瓜地胆牙硝是禁中

附增異症

腹中兒啼煎川連汁呷下或青黛亦效

腹中作鐘鳴或哭者用多年空房內鼠穴中土為末或酒下或乾嚙之即止

有臍燥悲傷慘嘔下者大麥甘草大棗煎服

有自哭自笑者紅棗燒存性米飲下

妊娠患痘無從用安胎補劑若用攻藥必致去血泄氣立危之症也

附增胎形

一月如露珠二月如桃花三月分男女四月形像具五月骨節成六月毛髮生七月動右手是男於母左是女於母右八月動左手是男於母右是女於母左九月三轉身生月滿足